

Chauue la feit dedier au nom de S. Cir martyr, auquel il auoit deuotion: & y donna des reliques dudict sainct.

A Neuers y a vne Abbaye d'Augustins, vne de filles sacrees à la vierge Marie, deux prieurez conuentuels de s. Sauueur & de s. Estienne: les cōuent de s. Frāçois, & s. Dominique.

Ce grand & insigne personnage Jean Tifsier ou Textor estoit Niuernois.

---

• DV PAYS DE BERRY.

LE BERRY est voisin de la Touraine, ayant vne infinité de villes & villages, gros bourgs & hameaux, forests & montagnes, ruisseaux, fontaines, vignobles, & pasturages, & fertile en tout ce qui est necessaire à la vie.

2:8 DESCRIPTION.  
vie de l'homme.

Ce peuple est dict Bituriges & par les François modernes Berryeres; mais de sçauoir la cause, il est impossible, y ayant vne infinité d'opinions toutes diuerses, & qui n'ont point d'apparêce de verité.

Ce pais est renommé entre autres pour l'abôdâce du bestial, qui y est nourry, & duquel l'on fait trafic par toute la France.

Les places & villes principales du Berry, outre la capitale (qui est Bourges) sont du costé d'Oriêt: la premiere est celle ci.

---

DE SANCERRE.

LA ville de Sancerre porte le nom de Comté des y a fort long temps, & est sise sur vn mônt ayant au pied d'icelui le Loire.  
Ce-

Ceste ville est dictée par les latins *sacrum Cesaris*: qui demonstre qu'elle est fort ancienne, & qu'autre fois il y a eu quelque temple de Cesar.

Ceste ville fut demantelée environ le temps des premiers troubles: pour les reuoltes d'aucuns Huguenots, qui s'en estoient saisis, contre la volonté du Comte du lieu.

---

DE PLYSIEURS AVTRES VILLES de Berry.

**S**ur le fleuve de Loire, au pais de Berri est écor la ville Royale de Cosne située au Niuernois.

Puis vers le Septentrion est Concreffaut avec les chastele nies dependantes du siege d'icelui: entre lesquelles est Aubigni sur

sur Nerre: de laquelle sont seigneurs les successeurs de ce grãd & vaillãt seigneur Escossois, d'Aubigny, qui feit preuue de sa vaillance, au voyage de Naples, sous Charles 8.

Vers la Beaulce est Romorantin assise sur le fleuue de Saux, dependante de Blois; puis Selles en Berry, Menestro sur la riuere de Cher, & l'ancienne ville de Vierzon.

Du costé du leuant sur le fleuue Auron est la ville de D'vn le Roy: en apres est Chasteau neuf, Boussac, Aigurande, Cluys, Argenton, le Blanc en Berri separãt le Limosin du Poictou & Berri, par la riuere de Crense.

Sur Indre est la place de Chastre, appartenante aux genereux seigneurs de la Chastre, puis apres Chasteau roux, Deols, Ifoudun, & plusieurs autres places

ces

ces remarquables ; dont nous traicterons ciapres de quelques vnes.

Sur ceste mesme riuere on voit Burançois, Paluan & Chastillon, & plus vers le Limosin est Preulli, lieu beau & plaisant separant aussi le Limosin d'auec le Berri : puis reuenant vers le midi, du costé de la Chastre, est Chasteau-Meillant, Linieres & Charroix & puis la belle ville d'Issoudun, le principal siege dependât de Bourges de laquelle il faut parler.

---

DE LA VILLE DE BOVRGES.

**B**OURGES est la ville capitalle du Berry, & est vn Archeuesché. Elle est dicté par Cæsar Auaricum. Cest l'vne des plus grandes villes de France & des plus

plus fortes, enuironnee de mar-  
rests, procedâts de sources viues,  
& presque faicte en Ouale, forti-  
ficee de quatre vigts hautes tours,  
& de murs fort massifs cōtenâts  
enuiron quatre mille quatre toi-  
ses, & fort espois: ayant sept por-  
tes, & autât de faux bourgs: sans  
parler de plusieurs Poternes, qui  
ne s'ouurent qu'aux vrgentes af-  
faires.

Ceste ville à esté iadis demo-  
lie & ruinee par plusieurs fois,  
mais depuis reedificee & fortificee  
par diuerses fois, tant par Char-  
lemaigne, que par vn Abbé de S.  
Ambrois.

Ily a sept Eglises canoniales  
à Bourges; sans conter dix-  
sept autres Eglises ou paroisses,  
& plusieurs Abbayes, Conuents  
& prieurez.

La premiere Eglise canoniale  
est la cathedrale dediee à l'hô-  
neur

neur de s. Estienne, & est le chef de la premiere Aquitanie: Bordeaux la seconde.

Le premier Euesque de Bourges fut s. Vrsin. Je me suis autre fois trouué à la predication d'un des plus celebres Docteurs de Paris, lequel dist que plusieurs affermoient que le premier pasteur de Bourges fut l'Aueugle né: apres qu'il fut gueri par nostre Seigneur.

Les autres Eglises canoniales sont la saincte chapelle dediee à nostre Sauueur, faicte à l'imitatiõ de celle de Paris: de la fondation de Jean Duc de Berri, frere du Roy Charles. 5.

Apres sont S. Vrsin, S. Austrille, s. Pierre le pueillier, nostre dame des Sales, & nostre dame de Monstier moyen.

La ville de Bourges fut ruinee par Cesar, & depuis battuë  
par

par les Vvifegots; & encor par apres tellement ruinee par Didier Comte de Blois, general de l'armee du Roy Chilperic, allant contre Goutran à Orleans; qu'il ne laissa Eglise, maison, ni muraille, qui ne fust renuersee par terre.

La veille de la S. Jean Baptiste, en l'an mil deux cents cinquante cinq, sous le regne de S. Louys, la cité de Bourges fut presque toute bruslee fortuitement.

Ceste ville fut encor bruslee au mois de May l'an mil quatre cents soixante & sept.

L'an mil quatre cents nonante deux, le 22. de Iuillet elle fut encor embrasee.

L'vniuersité de Bourges fut fondee du temps de S. Louys, mais de beaucoup accreüe sous Louys 11. le frere duquel, sçauoir Charles obtint de beaux priuile-

le-



leges, du pape Paul.2.

A Bourges y a vne haute & admirable tour, ronde en sa figure, du costé de Dun le Roy, entre l'Orient & le Midi, de dessus laquelle l'on descouure trois ou quatre lieües de país, à l'environ de la ville, les murailles de ladicte tour, sont espoisses environ de trois toises.

Entre les logis superbes de Bourges, est la maison des Allemands, & celle de Jacques Cœur rhesorier de France, sous Charles 7. mais ledict Cœur fut banni de France, tous ses biens confisquez, pource qu'il auoit pillé le país de Languedoc, & retenu l'argent, avec plusieurs autres finances du Roy. Ce fut en l'an mil quatre cents cinquante & trois.

Bourges est exempte de garnison, en laquelle il y a bailliage  
& con-

& conseillers, où ressortissent les sieges d'Issoudun, de Dun le Roy, Meun sur yeure, Concreffault, & plusieurs autres places en grand nombre.

Iaques Cuias Tholosan, l'honneur & lumiere de tous les Iuris consultes, deceda à Bourges le 3. d'Octobre, 1590. Il fut extremement regreté de tous les hommes doctes: côme l'on peut voir par plusieurs Epitaphes, consacrez en sa loüange: desquels en voici deux assez bien faiçts:

*Erexit Leges & iura iacentia Cuias,*

*Ipso nunc etiam iura iacente iacent:  
Quid tumulum erigitis? potius date legibus ipsis,*

*Magno sufficiunt hæc monumenta viro.*

Autre.

Le grand liure des Loix jadis  
n'estoit qu'un corps,

Mais

Mais Cujas en viuant mit vne ame en ce liure:

Puis voyant les Frâçois en leurs cruels discords

Renuerfer toutes loix, il s'est fâché de viure.

---

DE LA VILLE D'YSSOVDVN.

Ceste ville est la secôde Royalle de Berri, fort ancienne, ayât esté iadis bruslee par les Gaulois, & depuis rebastie au lieu où elle est de presêt, sçauoir joignât la riuiera de Theo.

Ceste ville est forte & bien muree, ayant le chasteau vn peu plus haut: Il y a grand trafic en icelle, & principalement de laines.

Dedans Issoudun sôt les Eglises S. Cire, & s. Iean, Canoniale, puis s. Estienne, & le conuent

L

228 DESCRIPTION.  
des religieux de S. Benoist.

Aux faux-bourgs d'Issoudun  
sõt aussi plusieurs belles Eglises.

Les places dependantes du  
siege d'Issoudun sont, S. Severe  
Barõnie, & Linieres, Fins, Bouf-  
fac, Perouse, Bomiers, Oussay,  
Lazenay, Villemant, Auaites,  
Millandres, Villaines, & S. Leger  
qui sont de la seigneurie.

Du bailliage de ceste ville de-  
pendent, les villes de Chasteau-  
roux, Gracay, Argenton, la Cha-  
stre, Linieres, Bouffac, & la Pe-  
rouse ci deuant nommees, Cha-  
steau milland, Chastelet, la Mot-  
te fulli, Agurande, Charrots, Rul-  
li, S. Chartier, & plusieurs autres  
Chastelenies, Villes, Bourgs &  
paroisses.

---

DE LA VILLE DE CHARROTS.

**C**harrots est vne ville anciẽ-  
ne situee sur le fleuue d'Ar-  
non

nó entre Bourges & Issoudū, qui appartient iadis aux Seigneurs de la Roche Chouard en Limosin, lesquels la vendirent à la Comtesse de Buzançois, vefue de l'Admiral Chabot, Seigneur de Brion.

---

 DE CHASTEAV ROUX.

Ceste ville est situee en Berry à seize lièues de Bourges, a voisinee du Limosin & du Côté de Blois ayant quatre paroisses, sçauoir S. Denys, S. André, S. Martin & S. Cristofle & vn conuent de Cordeliers. Elle est situee sur la riuere d'Indre, Il y a vn beau Chasteau. Aux faux-bourgs est l'Eglise S. Gildas, où il y a vne Abbaye de S. Benoist: Aux Religieux de laquelle fut dōnee la ville & reuenu de Deols

230 DESCRIPTION  
pour y demeurer, laquelle place fut ainsi renommee.

Le païs de Deol est fertile en vins & laines, la iurisdiction de ce lieu a plus de vingt lieux de circuit, comprenant mil deux cents fiefs & arrierefiefs, qui en dependent. Ce fut vn seigneur de ce païs, nommé Raoul, qui fit bastir Chasteau roux, pour se tenir.

---

DE LA VILLE D'ARGENTON  
& cetera.

**A**RGENTON est vne ville forte situee sur la riuierede Crense es dernieres limites de Berri quelle separe de la Guyene.

Il y a en ceste ville vn fort chasteau, armé de dix tours, sept grosses & trois plus petites, l'une desquelles est nommee la tour d'Eracle, où il y a vn taureau effigie

gié, avec ces deux mots, VENI,  
VICI.

Ceste place est fort ancienne,  
ainsi qu'on peut voir par les  
ruines des anciens bastiments,  
& vestiges des Romains, & n'est  
si grande qu'elle fut jadis. Elle  
appartiét aux Seigneurs de Môt-  
pensier, par accord faict entre vn  
Seigneur de Montpensier & le  
Seigneur de Chauigni Baró de  
Chasteauroux.

La susdicte tour d'Eracle print  
son nom d'vn gouverneur Ro-  
main du temps de l'Empereur  
Dece, lequel feit martirizer deux *mar-*  
gentils hommes Romains, Mar- *tirs à*  
cel & Anastase, lesquels faisoient *Ar-*  
profession de la foy Euágelique. *gentó.*

Bouffac & Perouse sont aussi  
deux villes & chastelenies.

Bouffac est situee sur les limites  
de Bourbónois, & de la marche  
de Limosin. Perouse est du

mesme costé, en vn terroir sterile,  
ne se ressentant plus de la fertili-  
té du Berri.

---

DE LA VILLE DE LA  
Chastre.

**E**N Berri vers le païs Lymo-  
sin, est situee ceste ville non  
loin du fleuve Indre: & est vne  
forte place, close de bonnes mu-  
railles, tours & fossez profonds,  
avec vn beau chasteau.

En ceste ville y a deux Eglises.  
La premiere dedice au nom de  
S. Germain où il y a des Cha-  
noines bien rentez par les anci-  
ens Seigneurs de Chauigni fon-  
dateurs d'icelle, & est la paroisse.  
L'autre est vn couent de Carmes.

Soubs la iurisdiction de la Cha-  
stre sont plusieurs bourgs & villa-  
ges du païs.

DE





DE CHASTEAV-  
MEILLAND.

**C**este ville fut iadis close, cō  
me lon void encor par les  
ruines des murailles anciennes,  
à present elle est chāpestre, tou-  
resfois le Chasteau est fort, &  
bien muré: avec de bons fossez,  
dans lequel y a encor vne tour  
du temps des Romains.

---

DE DVN LE ROY, ET DE  
*Chasteau neuf.*

**D**VN LE ROY est aussi vne  
ville Royale de Berri, cō-  
prenant soubs soy plusieurs bel-  
les places & chastelenies: puis  
est Chasteau neuf sur Cher, qui  
est aussi vne autre bonne ville.

**V**ierzon est la 3. ville Royale de Berri, erigee en baillia-  
ge par le Roy François 1. Elle e-  
stoit anciennement l'heritage du  
bon seigneur Beues pere de Lan-  
celot du Lac.

Ceste ville fut ruinee par les  
Gaulois, & depuis bruslee par  
les Anglois, l'an mil cent nonâte  
sept. Elle est en bonne asiete  
à cause des bois, forests, garen-  
nes, & des riuieres de Cher & Eu-  
re qui sont voisines, mais le ter-  
roir est areneux & sablonneux,  
plus propre au iardinage qu'au  
labourage.

Ceste place estoit autrefois vn  
Comté appartenāt à Robert d'Ar-  
toys, qui la perdit par confisca-  
tiō, pour s'estre reuolté contre le  
Roy Philippes de Vallois.

Sur

DE LA FRANCE. 235

Sur la porte de Vierzon sont  
escrits ces deux vers.

*Verzio, villa virens, aliunde pauca  
requirens,*

*Syluis ornata, vineis, pratis de-  
corata.*

---

DE MEHVN SVR YEURE.

**M**EHVN sur yeure est le 4.  
sieg Royal de Berri, iadis  
subiette au Comte Robert d'Ar-  
tois. On y void encor les ap-  
parences d'un vieil chasteau, rui-  
né par les Anglois, pres lesquel-  
les est l'Eglise collegiale de no-  
stre Dame, où il y a des Chanoi-  
nes, & droict de paroisse. Ceste  
place sur establie en bailliage par  
le Roy Charles 7.

---

DE LA VILLE D'AV-  
bigni &c.

L 5

**L**A ville d'Aubigni fut iadis Royale, & du precedent dependoit de la Duché de Berri, le Duc Iean l'ayant racheptee des Chanoines de S. Gratiade Tours.

Rege  
Roy-  
al à  
Aubi-  
gny.

Louys II. establit le siege Royal en ceste place, & son fils Charles 8. la donna à Beraut Stuard, capitaine de ses gardes, dou est sortie la famille d'Aubigni.

Lediect Charles 8. transporta le siege à Concreffaut, dicte par les latins *Concordia saltus*, qui n'est qu'un gros bourg sis sur le fleuve de Sádre, fortifié toutes fois d'un bon chasteau, & des mieux bastis de Berri.

---

DV RESTE DES AUTRES PLACES REMARQUABLES de Berri.

**A**Ngilló est vne place moderne, fondee par un Seigneur

gneur nommé Gillon, d'ot elle porte le nom, côme qui diroit Dam Gillon.

S Aignen est vn comté voisin de la Touraine, six sur le Saudre & est la place tres-forte, Les riuieres de Cher, Eure & Saudre, jointes ensemble, & portans bateaux, passent pres les murailles de ceste ville, laquelle s'apelloitadis Chasteau hagar, mais depuis elle a porté le nom de S. Aignen Eglise du lieu.

Leuroux est bien close, ayât vn prieuré tretriche fondé au nô de S. Syluain avec Chanoines, & demi Chanoines rentez par les Seigneurs de Chasteau roux.

Varan est encor vne ville close ayant vne Eglise collegiale bien rentee dediee au nom de S. Laurens, & fondee par Gui Comte de Blois, & les Seigneurs de Vatan,